

9. Clamate hoc in Gentibus, sanctificate bellum, fuscitate robustos: accedant, ascendant omnes viri bellatores.

10. Concidite aratra vestra in gladios, & ligones vestros in lanceas. Infirmus dicat: Quia fortis ego sum.

11. Erumpite, & venite omnes gentes de circuitu, & congregamini: ibi occumbere faciet Dominus robustos tuos.

12. Confurgant, & ascendant Gentes in vallem Iosaphat: quia ibi sedebat iudicem omnes gentes in circuitu.

\* Apoc. 14. 15. 13. \* Mittite falces, quoniam maturavit messis: venite, & descendite, quia plenum est torcular, exuberant torcularia: quia multiplicata est malitia eorum.

14. Populi populi in valle concisionis: quia iuxta est dies Domini in valle concisionis.

\* Supr. 2. 10. & 31. \* Jer. 25. 30. 15. \* Sol & luna obtenebrati sunt, & stellæ retraxerunt splendorem suum.

\* Amos 1. 2. 16. \* Et Dominus de Sion rugiet, & de

Ierusalem dabit vocem suam: & movebuntur cali, & terra: & Dominus spes populi sui, & fortitudo filiorum Israël.

17. Et scietis quia ego Dominus Deus vester habitans in Sion monte sancto meo: & erit Ierusalem sancta, & alieni non transibunt per eam amplius.

18. \* Et erit in die illa: stillabunt montes dulcedinem, & colles fluent lacte: & per omnes rivos Iuda ibunt aquæ: & fons de domo Domini egredietur, & irrigabit torrentem spinarum.

19. Ægyptus in desolationem erit, & Idumæa in desertum perditionis: pro eo quod iniquè egerint in filios Iuda, & effuderint sanguinem innocentem in terra sua.

20. Et Iudæa in æternum habitabitur, & Ierusalem in generationem & generationem.

21. Et mundabo sanguinem eorum, quem non mundaveram: & Dominus commorabitur in Sion.



# PROPHETIA AMOS.

**A**Mos populus avulsus latine dicitur, hoc nomine, Israëliti populi, qualis his temporibus erat, typum gerens. Is inter pecuarios Thecuanos in Iudæa fuit. Ad propheticum munus in regno Israël obeundum missum se testatur biennio ante terra motum, quem circa annum Ozia regis 23. (Ann. M. 3216. ante aram Christi 788.) factum rectè fortassis arbitrantur Iudæi; in eo tamen lapsi quod eundem referunt ad annum, quo lepra percussus est Ozias ille: etsi eos secutus, idem tribus locis referat Hieronymus. Nam lepra percussus est Ozias iam senex, cum officium sacerdotale usurpare voluit, quo tempore iudicabat populum terræ filius eius Ioathan. Nativitatem verò Ioathami quinquennio integro præcessit mors Ieroboami, sub quo tamen eum terra motum evenisse affirmat noster Prophetas.

Probat id ex historia Regum. Ozias, qui & Azarias anno vita 16. regnum iniit ac per 52. obtinuit; atque ita anno 68. natus, mortuus est. Filius verò eius Ioathan, annorum 25. erat, cum regnare cepit. Ergo anno 43. patris natus est. At Ieroboam mortuus est anno 38. Ozia. Ergo toto quinquennio præcedit eius mors nativitatem Ioathami. Vide 4. Reg. 15. & 2. Paral. 26. & 27.

## CAPUT PRIMUM.

Tempus prophetie Amos: ultio Domini in Damascum, Philisthaos, Tyrum, Idumæam, & Filios Ammon, quos super quatuor sceleribus non convertet.

**V** Erba Amos, qui fuit in pastoribus de Thecue: quæ vidit super Israël in diebus Ozia regis Iuda, & in diebus Ieroboam filij Ioas regis Israël \* ante duos annos † terræ motus.

\* Zach. 14. 5. † Vide titulum libri. \* Jer. 25. 30. 10. 16. 1. 3. 16.

& de Ierusalem dabit vocem suam: & luxerunt speciosa pastorum, & exsiccatu est vertex Carmeli.

3. Hæc dicit Dominus: Super tribus sceleribus Damasci, & super quatuor non convertam eum: eò quod tritruaverint in plaustris ferreis Galaad.

4. Et mittam ignem in domum Azaël, & devorabit domos Benadad.

5. Et conteram vestem Damasci \* & disperdam habitatorem de campo idòli, &

\* Quod factum est per The-gathphelasar, qui

Rasimem Damasci regem occidit. Atque ita regnum illud in Razione ceptum, (3. Reg. 11. 23.) in Rasime finitum est, 4. Reg. 16. 9.) per decem generationes continuatum. Ioseph. Ant. 7. c. 6.

tenentem sceptrum de domo voluptatis: & transferetur populus Syria Cyrenen, dicit Dominus.

6. Hæc dicit Dominus: Super tribus sceleribus Gázæ, & super quatuor non convertam eum: eò quod transfulerint captivitatem perfectam, ut concluderent eam in Idumæa.

7. Et mittam ignem in murum Gázæ, & devorabit ædes eius.

8. Et disperdam habitatorem de Azoto, & tenentem sceptrum de Ascalone: & convertam manum meam super Accaron, & peribunt reliqui Philisthinorum, dicit Dominus Deus.

9. Hæc dicit Dominus: Super tribus sceleribus Tyri, & super quatuor non convertam eum: eò quod conculserint captivitatem perfectam in Idumæa, & non sint recordati fœderis fratrum.

10. Et mittam ignem in murum Tyri, & devorabit ædes eius.

11. Hæc dicit Dominus: Super tribus sceleribus Edom, & super quatuor non convertam eum: eò quod violaverit misericordiam eius, & tenuerit ultra furorem suum, & indignationem suam servaverit usque in finem.

12. Mittam ignem in Theman: & devorabit ædes Bosræ.

13. Hæc dicit Dominus: Super tribus sceleribus filiorum Ammon, & super quatuor non convertam eum: eò quod disseverit prægnantes Galaad ad dilatandum terminum suum.

14. Et succendam ignem in muro Rabba: & devorabit ædes eius in ululatu in die belli, & in turbine in die commotionis.

15. Et ibit Melchom in captivitatem, ipse, & principes eius simul, dicit Dominus.

## CAPUT II.

Ultio Domini in Moab, Iudam & Israël, hisque minatur interitum, quem effugere non poterunt: quia acceptis beneficiis semper fuerunt ingrati, Deique legem abiecerunt.

\* 1. Primogeniti eius qui regnatus erat post eum. 4. Reg. 3. 27.

**H**ÆC dicit Dominus: Super tribus sceleribus Moab, & super quatuor non convertam eum: eò quod incenderit ossa regis \* Idumææ usque ad cinerem.

2. Et mittam ignem in Moab, & devo-

rabit ædes Carioth: & morietur in sônitu Moab, in clangore tubæ:

3. & disperdam iudicem de medio eius, & omnes principes eius interficiam cum eo, dicit Dominus.

4. Hæc dicit Dominus: Super tribus sceleribus Iuda, & super quatuor non convertam eum: eò quod abiecerit legem Domini, & mandata eius non custodierit: de ceperunt enim eos idòla sua, post quæ abierant patres eorum.

5. Et mittam ignem in Iuda, & devorabit ædes Ierusalem.

6. Hæc dicit Dominus: Super tribus sceleribus Israël, & super quatuor non convertam eum: pro eo quod vendiderit pro argento iustum, & pauperem pro calceamentis.

7. Qui conterunt super pulverem terræ capita pauperum, & viam humilium declinant: & filius ac pater eius ierunt ad puellam, ut violarent nomen sanctum meum.

8. Et super vestimentis pignoris accubuerunt iuxta omne altare: & vinum damnatorum bibebant in domo Dei sui.

9. \* Ego autem exterminavi Amorrhæum à facie eorum: cuius altitudo, cedrorum altitudo eius, & fortis ipse quasi quercus: & contrivi fructum eius desuper, & radices eius subter.

10. \* Ego sum, qui ascendere vos feci de Terra Ægypti, & duxi vos in deserto quadraginta annis ut possideretis Terram Amorrhæi.

11. Et suscitavi de filiis vestris in prophetas, & de iuvenibus vestris nazaræos: numquid non ita est filii Israël dicit Dominus?

12. Et propinabitis nazaræis vinum: & prophetis mandabitis, dicentes: Ne prophetetis.

13. Ecce ego stridebo subter vos, sicut stridet plaustrum onustum sæno.

14. Et peribit fuga à veloce, & fortis non obtinebit virtutem suam, & robustus non salvabit animam suam:

15. & tenens arcum non stabit, & velox pedibus suis non salvabitur, & ascensor equi non salvabit animam suam:

16. & robustus corde inter fortes nudus fugiet in illa die, dicit Dominus.

## CAPUT III.

Domum Israël populum olim unice electum arguit variorum scelerum: ex quibus paucos dicit servandos in superventura afflictione, quam ipsis comminatur.

1. **A**udite verbum, quod locutus est super omnem cognationem, quam eduxi de Terra Ægypti, dicens:
  2. Tantummodo vos cognovi ex omnibus cognationibus terræ: idcirco visitabo super vos omnes iniquitates vestras.
  3. Numquid ambulabunt duo pariter, nisi convenerit eis?
  4. Numquid rugiet leo in saltu, nisi habuerit prædam? numquid dabit catulus leonis vocem de cubili suo, nisi aliquid apprehenderit?
  5. numquid cadet avis in laqueum terræ absque aucupe? numquid auferetur laqueus de terra antequam quid ceperit?
  6. Si clanget tuba in civitate, & populus non expavescet? si erit malum in civitate, quod Dominus non fecerit?
  7. Quia non facit Dominus Deus verbum, nisi revelaverit secretum suum ad servos suos prophetas.
  8. Leo rugiet, quis non timebit? Dominus Deus locutus est, quis non prophetabit?
  9. Audite facite in ædibus Azóti, & in ædibus Terræ Ægypti: & dicite: Congregamini super montes Samariæ, & videte insanias multas in medio eius, & calumniam patientes in penetralibus eius.
  10. Et nescierunt facere rectum, dicit Dominus, thesaurizantes iniquitatem, & rapinas in ædibus suis.
  11. Propterea hæc dicit Dominus Deus: Tribulabitur, & circuietur terra: & detrahetur ex te fortitudo tua, & diripientur ædes tuæ.
  12. Hæc dicit Dominus: Quomodo si eruat pastor de ore leonis duo crura, aut extremum auriculæ: sic eruentur filii Israël, qui habitant in Samaria in plaga lectuli, & in Damasci grabato.
  13. Audite, & contestamini in domo Iacob, dicit Dominus Deus exercituum:
    14. quia in die cum visitare cepero prævaricationes Israël, super eum visitabo, & super altaria Bethel: & amputabuntur cornua altaris, & cadent in terram.
    15. Et percutiam domum hiemalem cum domo æstiva: & peribunt domus eburneæ, & dissipabuntur ædes multæ, dicit Dominus.

## CAPUT IV.

Invehitur sub typo vaccarum pinguium in iniquos primates Samaria, ipsorum subsannans idololatriam: & quia filii Israël variis flagellis à peccatis suis revocari non potuerunt, minatur eis Dominus similia his quæ prius passi fuerant; hortando ut ad Deum omnipotentem convertantur.

1. **A**udite verbum hoc vaccæ pingues, quæ estis in monte Samariæ: quæ calumniam facitis egenis, & confringitis pauperes: quæ dicitis dominis vestris: Aferte, & bibemus.
  2. Iuravit Dominus Deus in sancto suo: quia ecce dies venient super vos, & levabunt vos in contis, & reliquias vestras in ollis ferventibus.
  3. Et per aperturas exibitis altera contra alteram, & projiciemini in Armon, dicit Dominus.
  4. Venite ad Bethel, & impiè agite: ad Galgalam, & multiplicare prævaricationem: & afferte manè victimas vestras, tribus diebus decimas vestras.
  5. Et sacrificare de fermentato laudem: & vocate voluntarias oblationes, & annunciate: sic enim voluistis filii Israël, dicit Dominus Deus.
  6. Unde & ego dedi vobis stuporem dentium in cunctis urbibus vestris, & indigentiam panum in omnibus locis vestris: & non estis reversi ad me, dicit Dominus.
  7. Ego quoque prohibui à vobis imbrem, cum adhuc tres menses superessent usque ad messem: & plui super unam civitatem, & super alteram civitatem non plui: pars una compluta est; & pars, super quam non plui, aruit.
  8. Et venerunt duæ & tres civitates ad unam civitatem ut biberent aquam, & non sunt satiata: & non redistis ad me, dicit Dominus.
  9. \* Percussi vos in vento urente, & in aurugine, multitudinem hortorum vestrorum, & vinearum vestrarum: oliveta vestra, & ficeta vestra comedit eruca: & non redistis ad me, dicit Dominus. \* *Agg. 2. 18.*
  10. Misi in vos mortem in via Ægypti, percussi in gladio iuvenes vestros usque ad captivitatem equorum vestrorum: & ascendere feci putredinem castrorum vestrorum in nares vestras: & non redistis ad me, dicit Dominus.
  11. Subverti vos, \* sicut subvertit \* *Gen. 19. 24.* Deus Sodomam, & Gomorrhā, & facti estis

estis quasi torris raptus ab incendio: & non redistis ad me, dicit Dominus.

12. Quapropter hæc faciam tibi Israël: postquam autem hæc fecero tibi præparare in occursum Dei tui Israël.
13. Quia ecce formans montes, & creans ventum, & annuncians homini eloquium suum, faciens matutinam nebulam, & gradiens super excelsa terræ: Dominus Deus exercituum nomen eius.

## CAPUT V.

Luget casum Israël Propheta, revocans eos ad quarendum Dominum, ut ita possint evadere afflictiones suis peccatis debitas, propter quas ubique planctus erit: odit Dominus festivitates ac sacrificia eorum, quibus propter idololatriam minatur captivitatem.

1. **A**udite verbum istud, quod ego levo super vos planctum. Dominus Israël cecidit, & non adjiciet ut resurgat.
  2. Virgo Israël proiecta est in terram suam, non est qui suscitaret eam.
  3. Quia hæc dicit Dominus Deus: Urbs, de qua egrediebantur mille, relinquuntur in ea centum: & de qua egrediebantur centum, relinquuntur in ea decem in domo Israël.
  4. Quia hæc dicit Dominus domui Israël: Quærite me, & vivetis.
  5. Et nolite querere Bethel, & in Galgalam nolite intrare, & in Bersabee non transibitis: quia Galgala captiva ducetur, & Bethel erit inutilis.
  6. Quærite Dominum, & vivite: ne fortè comburatur ut ignis domus Ioseph, & devorabit, & non erit qui extinguat Bethel.
  7. Qui convertitis in absinthium iudicium, & iustitiam in terra relinquitis.
  8. Facientem Arcturum, & Oriónem, & convertentem in manè tenebras, & diem in noctem mutantem: \* qui vocat aquas maris, & effundit eas super faciem terræ: Dominus nomen est eius. \* *Infr. 9. 6.*
  9. Qui subridet vastitatem super robustum, & depopulationem super potentem affert.
  10. Odio habuerunt corripientem in porta: & loquentem perfectè abominati sunt.
  11. Idcirco, pro eo quòd diripiebatis pauperem, & prædam electam tollebatis

- ab eo: \* domos quadro lapide ædificabitis, & non habitabitis in eis: vineas plantabitis amantissimas, & non bibetis vinum earum. \* *Soph. 1. 13.*
12. Quia cognovi multa scelera vestra, & fortia peccata vestra: hostes iusti accipientes munus, & pauperes deprimentes in porta.
13. Ideo prudens in tempore illo tacebit, quia tempus malum est.
14. Quærite bonum, & non malum, ut vivatis: & erit Dominus Deus exercituum vobiscum, sicut dixistis. \* *Psal. 96. 10. Rom. 12. 9.*
15. \* Odite malum, & diligite bonum, & constituite in porta iudicium: si fortè misereatur Dominus Deus exercituum reliquiis Ioseph.
16. Propterea hæc dicit Dominus Deus exercituum dominator, in omnibus planctus: & in cunctis, quæ foris sunt, dicetur væ væ: & vocabunt agricolam ad luctum, & ad planctum eos, qui sciunt plangere.
17. Et in omnibus vineis erit planctus: quia pertransibo in medio tui, dicit Dominus.
18. \* Væ desiderantibus diem Domini: ad quid eam vobis? dies Domini ista, tenebræ, & non lux. \* *Ier. 30. 7. Joel. 2. 11. Soph. 1. 15.*
19. Quomodo si fugiat vir à facie leonis, & occurrat ei ursus: & ingrediatur domum, & innitatur manu suâ super parietem, & mordeat eum coluber.
20. Numquid non tenebræ dies Domini, & non lux: & caligo, & non splendor in ea?
21. \* Odi, & proieci festivitates vestras: & non capiam odorem cœtuum vestrorum. \* *Isaie 1. 11. Ier. 6. 20. Malach. 1. 12.*
22. Quòd si obtuleritis mihi holocaustata, & munera vestra, non suscipiam: & vota pinguium vestrorum non respiciam.
23. Aufer à me tumultum carminum tuorum: & cantica lyræ tuæ non audiam.
24. Et revelabitur quasi aqua iudicium, & iustitia quasi torrens fortis.
25. \* Numquid hostias & sacrificium obtulistis mihi in deserto quadraginta annis, domus Israël? \* *Actor. 7. 42.*
26. Et portastis tabernaculum Moloch vestro, & imaginem idolorum vestrorum, sydus Dei vestri, quæ fecistis vobis.
27. Et migrare vos faciam trans Damascum, dicit Dominus, Deus exercituum nomen eius.

## CAPUT VI.

Comminatur Dominus superbis, & in delictis agentibus exitium ac transmigracionem, unâ cum reliquo populo Israël, cuius detestatur superbiam.

Luc. 6. 24.

1. **V** qui opulenti estis in Sion, & confiditis in monte Samariæ: optimâtes capita populorum, ingredientés pompaticè domum Israël.
2. Transite in Chalanè, & videte, & ite indè in Emath magnam: & descendite in Geth Palæsthorum, & ad optima quæque regna horum: si latior terminus eorum termino vestro est.
3. Qui separati estis in diem malum: & appropinquatis folio iniquitatis.
4. Qui dormitis in lectis eburneis, & lascivitis in stratis vestris: qui comeditis agnum de grege, & vitulos de medio armenti.
5. Qui canitis ad vocem psalterij: sicut David putaverunt se habere vasa cantici.
6. Bibentes vinum in phialis, & optimo unguento delibuti: & nihil patiebantur super contritione Ioseph.
7. Quapropter nunc migrabunt in capite transmigrantium: & auferetur factio lascivientium.
8. \* Iuravit Dominus Deus in anima sua, dicit Dominus Deus exercituum: Detestor ego superbiam Iacob, & domos eius odi, & tradam civitatem cum habitatoribus suis.
9. Quod si reliqui fuerint decem viri in domo una, & ipsi morientur.
10. Et tollet eum propinquus suus, & comburet eum, ut efferat ossa de domo: & dicet ei, qui in penetrabilibus domus est: Numquid adhuc est penes te?
11. Et respondebit: Finis est. Et dicet ei: Tace, & non recorderis nominis Domini.
12. Quia ecce Dominus mandabit, & percutiet domum maiorem ruinis, & domum minorem scissionibus.
13. Numquid currere queunt in petris equi, aut arari potest in bubalis, quoniam convertistis in amaritudinem iudicium, & fructum iustitiæ in absinthium?
14. Qui lætamini in nihilo: qui dicitis: Numquid non in fortitudine nostra assumpsimus nobis cornua?
15. Ecce enim suscitabo super vos domus Israël, dicit Dominus Deus exercituum, gentem: & conteret vos ab intróitu Emath, usque ad torrentem deserti.

\* Ier. 51.  
14.

## CAPUT VII.

Deprecatur Propheta penas quas videt imminere; & Dominus comminatur captivitatem, quam Amos sub parabola trulla cæmentarij vaticinatur, adversante licèt Amasîâ sacerdote Bethel, qui coram rege Israël accusat Amos; suadens ipsi Amos ut eat prophetatum in terram Iuda: sed ostendit se factum à Domino prophetam ut super Israël prophetaret, qui & Amasîa & Israël vaticinatur afflictiones.

1. **H**æc ostendit mihi Dominus Deus: & ecce fictor locustæ in principio germinantium serótini imbris, & ecce serótinus post tonsionem regis.
2. Et factum est: cùm consummasset comedere herbam terræ, dixi: Domine Deus propitius esto, obsecro: quis suscitabit Iacob, quia parvulus est?
3. Misertus est Dominus super hoc: Non erit, dixit Dominus.
4. Hæc ostendit mihi Dominus Deus: & ecce vocabat iudicium ad ignem Dominus Deus: & devoravit abyssum multam, & comedit simul partem.
5. Et dixi: Domine Deus quiesce, obsecro: quis suscitabit Iacob, quia parvulus est?
6. Misertus est Dominus super hoc: Sed & istud non erit, dixit Dominus Deus.
7. Hæc ostendit mihi Dominus: & ecce Dominus stans super murum litum, & in manu eius trulla cæmentarij.
8. Et dixit Dominus ad me: Quid tu vides Amos? Et dixi: Trullam cæmentarij. Et dixit Dominus: Ecce ego ponam trullam in medio populi mei Israël: non adjiciam ultra superinducere eum.
9. Et demolientur excelsa idóli, & sanctificationes Israël desolabuntur: & consurgam super domum Ieroboam in gladio \*.
10. Et misit Amasias sacerdos Bethel ad Ieroboam regem Israël, dicens: Rebella-vit contra te Amos in medio domus Israël: non poterit terra sustinere universos sermones eius.
11. Hæc enim dicit Amos: In gladio morietur Ieroboam, & Israël captivus migrabit de terra sua:
12. Et dixit Amasias ad Amos: Qui vides, gradere, fuge in terram Iuda: & comede ibi panem, & prophetabis ibi.
13. Et in Bethel non adjicies ultra ut prophetes: quia sanctificatio regis est, & domus regni est.

14. Ref.

\* Quod factum est cùm sel-lumus Zachariam filium Iero-boami 2. interfecit. (4. Reg. 15. 10.) ann. 15. postquam hæc ab Amoso prædicta fuerant.

14. Responditque Amos, & dixit ad Amasiam: Non sum propheta, & non sum filius prophetæ: sed armentarius ego sum véllicæ sycomoros.
15. Et tulit me Dominus cùm sequerer gregem: & dixit Dominus ad me: Vade propheta ad populum meum Israël.
16. Et nunc audi verbum Domini: Tu dicis: Non prophetabis super Israël, & non stillabis \* super domum idóli.
17. Propter hoc hæc dicit Dominus: Uxor tua in civitate fornicabitur: & filii tui, & filia tua in gladio cadent, & humus tua funiculo metietur: & tu in terra polluta † morieris, & Israël captivus migrabit de terra sua.

\* Stillare Hebræis est Prophetam agere. 7. Ezech. 21. 2. Mich. 2. 5. &amp; 11. † Assyria sc.

## CAPUT VIII.

Amos sub parabola uncini pomorum prophetat finem imminere regni Israël, propter pauperum oppressiones: acerbitatem verò imminentis calamitatis explicat: ac festivitates eorum dicit in luctum convertendas, famemque verbi Dei futuram denunciat.

1. **H**æc ostendit mihi Dominus Deus: & ecce uncinus pomorum.
2. Et dixit: Quid tu vides Amos? Et dixi: Uncinum pomorum. Et dixit Dominus ad me: Venit finis super populum meum Israël: non adjiciam ultra ut pertranseam eum.
3. Et stridebunt cardines templi in die illa, dicit Dominus Deus: multi morientur: in omni loco projicietur silentium.
4. Audite hoc qui conteritis pauperem, & deficeris facitis egenos terræ,
5. dicentes: Quando transibit mensis, & venundabimus merces: & sabbatum, & aperiemus frumentum: ut imminuamus mensuram, & augeamus siclum, & supponamus statêras dolosas,
6. ut possideamus in argento egenos & pauperes pro calcamentis, & quisquiliis frumenti vendamus?
7. Iuravit Dominus in superbiam Iacob: Si oblitus fuero usque ad finem omnia opera eorum.
8. Numquid super isto non commovebitur terra, & lugebit omnis habitator eius: & ascendet quasi fluvius universus, & ejicietur, & defluet quasi rivus Ægypti?
9. Et erit in die illa, dicit Dominus Deus: occidet sol in meridie, & tenebre faciam terram in die luminis:
10. \* & convertam festivitates vestras in

\* Tob. 2. 6.  
1. Mac. 1.  
41.

## CAPUT IX.

Vastaturum se dicit Dominus impios, sic ut nulli pateat effugium; postea tamen suscitabit tabernaculum David, & captivitatem filiorum Israël convertet, cum magna ipsorum felicitate.

1. **V**idi Dominum stantem super altare, & dixit: Percute cardinem, & commoveantur superliminaria: avaritia enim in capite omnium, & novissimum eorum in gladio interficiam: non erit fuga eis. Fugient, & non salvabitur ex eis qui fugerit.
2. \* Si descenderint usque ad infernum, indè manus mea educet eos: & si ascenderint usque in cælum, indè detraham eos.
3. Et si absconditi fuerint in vertice Carmeli, indè scrutans auferam eos: & si celaverint se ab oculis meis in profundo maris, ibi mandabo serpenti, & mordebit eos.
4. Et si abierint in captivitatem coram inimicis suis, ibi mandabo gladio, & occidet eos: & ponam oculos meos super eos in malum, & non in bonum.
5. Et Dominus Deus exercituum, qui tangit terram, & tabescet: & lugebunt omnes habitantes in ea: & ascendet sicut rivus omnis, & defluet sicut fluvius Ægypti.
6. Qui ædificat in cælo ascensionem suam, & fasciculum suum super terram fundavit: \* qui vocat aquas maris, & effundit eas super faciem terræ, Dominus nomen eius.
7. Numquid non ut filii Æthiopum vos estis mihi, filii Israël, ait Dominus? num-

\* Ier. 44.  
11.

\* Sup. 5. 8.